

Utarbongo Adivasi Forum Do Disomren Phurga.lia. Ruhul Amin Baha Em Talateko Manotkede

Sa.nicar (24 September) tiki ber 12 baja okte Swarupnagar basvobon t.hen Jila porisod nirbacon re bachao oco akan bir phurga.lia. ar jila awami league ren a.yuric' Ruhul Amin do Utarbongo Adivasi Forum ren a.yuria.ko baha tor.a em talateko johar arko manotkede.

Bir phurga.lia. Ruhul Amin do adivasiko nonka ko manotkede re menkeda, Noa disomren jatigost.i talare cet' begarge ba.nuk'anan'. Ente joto dhoromren, joto ja.tren hor.ko janam baba Bon'gobondhu ak' hohoteko hec' sorlente noa disomko sa.dhin akada. Onate sanamko mit'te miljul tahe~nte Maran' montri Shekh Hasina hotete calak'kan disomre sanam lekan lahantian ka.miko ka.mi idi hoyok'a.

Un jokhen Adivasi Forum ren a.yurko, a.divasi koak' paltur., lekcar-a.ri ca.li/nia.m ka.nun babot ol od.ok akan puthi **"Madol"** Ruhul Amin sandes lekateko em caladea.

Un okte ond.e set.ere tahe~kana Sodor upajila Awami League ren sabha mukhia. Azibur Rahman, Utarbongo Adivasi Forum ren Chapainawabgonj jila committee ren sabha mukhia. Luis Tudu, Sadharon sompadok Cornelius Murmu, Forum ren central committee ren totho ar gobesona sompadok Prodip Hembrom, Jila committee ren jugmo sadharon sompadok Simion Kisku, Sangothonik sompadika Khirti Baore, Treasurer Modon Hasda, Jubo Sompadok Subash Hasda, nirbahi sodosso Sontosh Tudu selet' Forum ren arho~ et.ak' sodosso koho~ selet'ko tahe~kana.